

Održana konferencija za medije

29.09.2015 15:24



Federalna uprava za geodetske i imovinsko-pravne poslove i Ministarstvo pravde FBiH održali su konferenciju za medije na kojoj su prezentirali rezultate implementacije Projekta registracije nekretnina u FBiH

Nakon potpisivanja Sporazuma o zajedničkoj implementaciji aktivnosti na sistemskom ažuriranju podataka o nekretninama katastra i zemljišne knjige Bosne i Hercegovine Federalna uprava za geodetske i imovinsko-pravne poslove (FGU) i Ministarstvo pravde FBiH realiziraju Projekt registracije nekretnina u Federaciji Bosne i Hercegovine. Nadležne institucije u FBiH su u proteklom periodu implementirale izuzetno značajne i zahtjevne aktivnosti ovog projekta.

“Projekt registracije nekretnina u FBiH ostvario je napredak u skladu s planiranim aktivnostima i očekivanim rezultatima predviđenim u izvještajnom periodu, a sve u korist naših korisnika, prije svega

građana”, kazao je direktor FGU Željko Obradović na konferenciji za medije, koja je održana u utorak, 29. 9. 2015. godine, u prostorijama Vlade FBiH.

Tako su aktivnosti usklađivanja podataka o nekretninama između zemljišne knjige i katastra u potpunosti završene u sedam katastarskih općina u Gračanici, Posušju i Tešnju, dok je u toku realizacija uspostave/zamjene zemljišne knjige u općinskim sudovima Gračanica, Široki Brijeg i Tešanj.

U sedam katastarskih općina u Bugojnu, Goraždu, Gradačcu i Mostaru završava se projekt usklađivanja podataka o nekretninama, dok se u devet katastarskih općina u Velikoj Kladuši, Cazinu, Bihaću i Tomislavgradu implementira treća faza. Konkursni proces za četvrtu fazu završava se u Tuzli, Živinicama, Lukavcu, Orašju, Zenici, Zavidovićima, Maglaju, Kaknju, Čapljini, Sarajevu Centar, Novom Sarajevu i Ilijašu.

„FGU je realizacijom projekta uspostave jedinstvenog softvera za katastar omogućila objedinjavanje katastarskih podataka FBiH, kao i njihovu online prezentaciju. Svi katastarski podaci, i grafički i alfanumerički, nalaze se u jedinstvenoj bazi podataka, a 70% tih podataka je u digitalnoj formi“, posebno je istakao direktor Obradović.

“S krajem ovog tromjesečja 99% zemljišne knjige u FBiH je digitalizirano. Tako je u elektronski vođenoj zemljišnoj knjizi FBiH evidentiran ukupno 1,21 milion zemljišnoknjižnih uložaka, od čega je 31% zasnovano na novom katastarskom premjeru”, istakao je ministar Mato Jozić i dodao da je proces digitalizacije zemljišne knjige još u toku u općinskim sudovima Tuzla i Jajce, gdje je za digitalizaciju preostalo još 17.000 zemljišnoknjižnih uložaka.

U okviru aktivnosti na sistemskoj uspostavi/zamjeni zemljišne knjige intenzivno se radilo na rješavanju predmeta koji su tokom prethodnog tromjesečja zaprimljeni u elektronski vođenu zemljišnu knjigu općinskih sudova u Tešnju, Širokom Brijegu i Gračanici.

“U ovom tromjesečju je u elektronski vođenoj zemljišnoj knjizi u FBiH riješeno više predmeta nego što je tokom promatranog kvartala zaprimljeno. Rezultat ovih uspješno provedenih aktivnosti je smanjenje ukupnog broja neriješenih predmeta s prethodnih 6% na 5% na nivou FBiH”, rekao je ministar Jozić.

Također, aktivnosti na uspostavi/zamjeni zemljišne knjige, koje su započete tokom Projekta registracije zemljišta, su u potpunosti završene u općinskim sudovima Gradačac, Bugojno i Čapljina, a u općini Zavidovići - Odjel Maglaj je u završnoj fazi. U toku je i uspostava/zamjena zemljišne knjige u općinama Travnik i Ljubuški.

„U okviru Federalne uprave geodetske i imovinsko-pravne poslove ustrojena je Jedinica za implementaciju Projekta i zahvaljujući obučenom i kvalitetnom osoblju sve aktivnosti se realiziraju sukladno zacrtanom planu“, naglasio je rukovoditelj Jedinice Nedžad Pašalić.

Treba napomenuti da je u implementaciji projekta posebna pažnja posvećena ranjivim skupinama, odnosno raseljenim licima, pripadnicima nacionalnih manjina, socijalno ugroženih skupina, te lica s invaliditetima, kao i njihovoj edukaciji i informiranju vezano za Projekt registracije nekretnina u FBiH.

Svi upisi u zemljišne knjige za katastarske općine, koje su predmet uspostave ili zamjene zemljišne knjige, a u okviru Projekta registracije nekretnina, provodit će se bez naplate sudskih taksi.



```
// Load JS file theme Galleria.loadTheme('files/galleria/themes/classic/galleria.classic.min.js'); // Initialize
Galleria Galleria.run('#gallery-1' , { width: 'auto', height: 500, transition: 'fade', initialTransition:
'undefined', clicknext: false, showImagenav: true, showCounter: true, lightbox: false, imageCrop: false,
imageMargin: 0, imagePan: false, carousel: true, carouselSpeed: 200, carouselSteps: 'auto',
pauseOnInteraction: true, show: 0, showInfo: true, thumbnails: true, thumbCrop: true, thumbMargin: 0,
thumbQuality: true, easing: 'galleria', transitionSpeed: 400, popupLinks: false, preload: 2, debug: true,
queue: true, imagePosition: 'center', maxScaleRatio: 0, swipe: true, fullscreenDoubleTap: true,
layerFollow: true, imageTimeout: 30000, fullscreenCrop: 'landscape', fullscreenTransition: 'undefined',
touchTransition: 'undefined', keepSource: false, trueFullscreen: true, responsive: true, wait: 5000,
idleMode: true, idleTime: 3000, idleSpeed: 200, thumbDisplayOrder: true, maxVideoSize: 'undefined',
videoPoster: true, thumbPosition: 'center' });
```